

Free from Death Scriptures

Roomaatti 6:23 Beenyaan nama cubbuu hoijetuu du'a; kennaan Waaqayyoo inni Kristos Yesus gooftaa keenyaa wajjin tola kennamu garuu jirenya bara baraa ti.

Roomaatti 8:2 Seerri hafuuraa inni karaa Kristos Yesus nama jiraachisu, seera cubbuu isa du'atti nama geessu jalaa si baaseera.

2 Ximootewoosiitti 1:10 Amma garuu ayyaanni isaa dhufa fayyisaa keenyaa Kristos Yesusiin nutti mul'ifameera; inni humna du'aa cabsee, jirenya, badiisa ooluus karaa wangeelaa ifatti baase.

Uziyaa 13:14 Ani qabaa iddo lafa jalaa keessaa isaan gad dhiisisuu ree? Du'a jalaas isaan furuu ree? Yaa du'aa, dha'ichi kee meerre ree? Yaa iddo lafa jalaa, ilkeen kee meerre ree? Oo'a argisiisuun ija koo duraa fagaateera.

Psalms 9:13 Yaa Waaqayyo anaaf oo'i! Gadadamuu koo isa warra na jibban biraan anatti dhufe ilaali! Afaan boollaa irra yoon ga'e iyyuu, ati ol na deebisi!

Iyoob 6:26 Isin dubbii ani dubbadheef na ifachuu barbaadduu? Dubbii nama abdii kutatees akka sagalee qilleensaatti lakkaa'uufii ree?

Iyoob 33:22 Lubbuun isaa gara boollaatti, jirenyi Isaas gara ergamaa du'aatti in dhi'aata.

Hisqi'el 37:12,13 kanaaf ati isaanitti raajii dubbadhu, Waaqayyo gooftaan, "Yaa saba koo! Kunoo, ani awwaala keessan nan bana, isa keessaas isin nan baasa; biyya Israa'elittis deebisee isin nan galcha; 13 Isin yaa saba koo! Ani awwaala keessan banee isa keessaa yommuun isin baasu, ani Waaqayyo akkan ta'e isin in beektu;

Maatewoosiv 27:52 Awwaalonnis immoo banamanii, warri qulquilloonni dur du'an in kaafaman.

Genesis 2:7 Waaqayyo gooftaan biyyoo lafaattii nama tolchee, hafuura jirenya itti godhu funyaan isaatti in baafate; akkasitti namni uumama lubbuu qabaatee jiraatu ta'e.

Genesis 6:17 Kunoo, ani uumama foon uffate, uumama lubbuu qabu hundumaas bantii waaqaa jalaa balleessuudhaaf bishaan badiisaa lafa irratti nan fida; wanti lafa irra jiraatu hundinuu in dhuma.

Genesis 7:15 uumamni foon uffatee, hafuuras qabaatee jiraatu hundinuu, lama lamaan Nohi duukaa markabichatti galan.

Genesis 7:22 Wanti bakkee lafaa irra jiraatee, funyaan isaatiin hafuura baafatu hundinuu in du'e.

Iyoob 12:10 Jirenyi uumama hundumaa, hafuurri nama hundumaas harka

isaa jala jira.

Iyoob 33:4 Hafuurri Waaqayyoo na uumeera, hafuurri inni hundumaa danda'u anatti baafate sunis ana in jiraachisa.

Hujii Ergamtootaa 17:25 Ofii isaatii sanyii namaa hundumaaf, jirenyaa fi qilleensa, kan isa barbaachisu hundumaas in kenna; kanaaf harki namaa kan isaaf hojjechuu danda'u, wanti isaaf barbaachisus hin jiru.

Muldhata Yohaannisi 13:15 Bifa fakkeenya bineensa isa duraa sanatti lubbuu itti gochuun, bineensa isa lammaffaa sanaaf kennamee ture; kana irraa kan ka'es bifni fakkeenya bineensichaa kun dubbachuu iyyuu danda'ee, hammi isaaf hin saganne akka ajjeefaman in godhe.

Yohaannisi 10:10 Hattuun, waan biraaf utuu hin ta'in, hatuudhaaf, qaluudhaaf, balleessuudhaafis in dhufti; ani garuu hoolonni jirenya haa qabaataniif, irraa hafaas haa qabaataniif dhufeera' jedhe.

Isaayaas 28:15 Isin, `Du'aa wajjin waliif kakanneerra, iddo lafa jalaa wajjinis waliif galleerra, dha'ichi sodaachisaan yommuu dhufu nuyi sobatti waan kooluu galleef, gowwoomsaa jelas waan linneef, inni nu bira hin ga'u' in jettu.

Isaayaas 28:18 kakuun isin du'aa wajjin waliif kakattan in hafa, inni isin iddo lafa jalaa wajjin waliif galtanis gatii hin qabu; dha'ichi sodaachisaan yommuu dhufu, ittiin rukutamtanii lafatti in dabalamtu.

Isaayaas 5:24 kanaafis akkuma arrabni ibiddaa qarmii gubu, akkuma ibiddi fura lafa irraa haxaa'u, akkasuma hundeen isaanii in tortora, daraaraan isaaniis akka awwaaraatti ol in ka'a; isaanoo gorsa Waaqayyo gooftaa maccaa dhiisaniiru, dubbii isa kan qulqullu Israa'elis tuffataniiru.

Yo'el 1:12 Mukti waynii in goga, mukti harbuus in coollaga; mukti rumaanii, mukti meexxii, mukti hudhaa fi mukkeetiin maasii keessaa hundinuu in gogu; gammachuun ilmaan namootaas in bada.

Uziyaa 13:15 Efreem obboloota giddutti ija yoo godhate iyyuu, qilleensi ba'a-biiftuu, qilleensi Waaqayyo biraaboomame, lafa duwwaadhaa ka'ee dhufuuf jira; boollibishaanii isaa akka gogu, burqituun isaas akka gu'u in godha; wanta gati-jabeessa kaa'ame hundumaas fudhatee in sokka.

Muldhata Yohaannisi 22:1 Kana booddees ergamichi laga bishaan jirenya namaaf kenuu, isa bishaan isaa akka cabbii addaatu teessoo Waaqayyootii fi hoolichaa biraabaa ba'u anatti argisiise.

Yohaannisi 4:10 Yesus immoo deebiseefii, `Kennaa Waaqayyoo utuu beektee, inni "Bishaan dhugaatii anaaf kenni!" siin jedhe kunis eenyu akka inni ta'e utuu hubathee, silaa situ isa kadhata, inni immoo bishaan yeroo hundumaa jiraatu siif in kenna ture' jedheen.

Yohaannisi 4:14 bishaan isa ani kennuufiif jiru irraa inni dhugu garuu, bara

baraan hin dheebotu; bishaan inni ani kennuufiif jiru, isa keessatti burqaa bishaanii isa jirenya bara baraatiif burqu in ta'ao' ittiin jedhe.

Fakkeenyonni 13:14 Barsiifni nama ogeessaa burqaa jirenyaa ti, namas futtaasaa du'aa irraa in deebisa;

Fakkeenyonni 14:27 Waaqayyo sodaachuun burqaa jirenyaa ti, namas futtaasaa du'aa irraa in deebisa.

Hisqi'el 13:17-23 `Yaa mucaa namaa! Ati immoo gara intaloota saba kee warra yaada isaanii keessaa fuudhanii raajii dubbatanitti fuula kee deebisiitii, raajii isaan irratti dubbadhu; 18 isaaniinis, "Waaqayyo gooftaan isin warra lubbuu namaa ittiin adamsuudhaaf kudhaama many'ee hundumaatti hodhitanii akka akka guddina mataa isaaniitti mataa nama hundumaaf marata tolchitaniif wayyoo! Isin lubbuu keessan oolfattanii lubbuu saba koo adamsituu ree? 19 Isin garbuu kaballaa tokkoo fi buddeena cabaa tokkoof jettanii saba koo warra soba isin dubbattan dhaggeeffatanitti soba dubbachuudhaan, namoota du'uun irra hin turre ajjeeftanii, namoota jiraachuun irra hin jirre immoo jiraachiftanii, saba koo gidduutti ana xureessitan" jedhe' jedhi! 20 Kanaafis Waaqayyo gooftaan, `Kunoo, ani kudhaama keessan isa isin akka kiyyoo ittiin simbira qabaniitti, ittiin lubbuu namootaa adamsitan irratti nan ka'a; irree keessanittiis nan cira; lubbuu namoota isin akka simbiraatti qabattaniiis gad nan dhiisa; 21 marata keessanis irraa nan babbaqaqsa saba koos harka keessan keessaa nan baasa; isaanis si'achi qabamanii harka keessan jala hin galan; yommus ani Waaqayyo akkan ta'e isin in beektu. 22 Ani garaa nama qajeelaa hin gaddisiifne; isin garuu garaa nama qajeelaa sobaan in gaddisiiftan, inni jal'aan jirenya isaa fayyifachuudhaaf karaa isaa isa jal'aa irraa akka hin deebineefis isa in toosiftan; 23 kanaafis isin si'achi mul'ata waa'ee hin baafne hin argitan, hoodas hin dubbattan; ani harka keessan keessaa saba koo nan baasa; yommus ani Waaqayyo akkan ta'e isin in beektu' jedhe.

Ermiyaas 21:8 Waaqayyo ammas raajichatti dubbatee, `Saba kanaan, "Waaqayyo:- Ani karaa jirenyatti geessuu fi karaa du'atti geessu isin dura kaa'eera;

Iyoob 34:22 Halkanii fi dukkanni sodaachisaan, lafti warri hamaa hojjetan dhokatan hin jiru.

Psalms 16:10 Ati iddo lafa jalaatti ana hin laattu, isa siif of kennes ijaan iyyuu qilee akka argu hin gootu.

Psalms 23:4 Ani bowwaa dukkanaa'aa sodaachisaa keessa yoon adeeme iyyuu,

Psalms 30:3 Yaa Waaqayyo, ati lubbuu koo iddo lafa jalaa keessaa ol

baafteetta, warra boollatti gad bu'an gidduudhaas jireenyatti na deebifteetta.

Psalms 49:15 Waaqayyo garuu humna iddo lafa jalaa harkaa na baasa; inni dhugumaan ofitti na fudhata.

Psalms 56:13 Fuula kee dura, yaa Waaqayyo, ifa jirenyaa keessas akka ani deddeebi'utti, ati lubbuu koo du'a, miilla koos gufuu oolchiteetta.

Psalms 68:20 Waaqayyo keenya Waaqayyo isa fayyisuu dha, Waaqayyo gooftaan du'a jalaa baasuufis karaa qaba.

Psalms 89:48 Nama ta'ee jiraatee, utuu hin du'in kan hafu eenyu? Qabaa iddo lafa jalaa keessaas, eenyutu lubbuu isaa oolfachuu danda'a?

Psalms 102:19,20 Waaqayyo iddo isaa isa qulqulluu ol gararraa sanaatii gad in ilaala, bantii waaqaa keessaas gara lafaa in ilaala. 20 Inni Aadnaa warra hidhamanii dhaga'uu, warra du'i itti murames gad dhiisisuu in barbaada.

Psalms 116:8 Ati immoo yaa gooftaa, lubbuu koo du'a, ija koo imimmaan, miilla koos gufachuu oolchiteetta.

Fakkeenyonni 10:2 Badhaadhummaan jal'inaan argame bu'aa hin qabu, qajeelinni garuu du'a nama in oolcha.

Isaayaas 26:19 Warri kan keetii garuu in jiraatu, reeffi isaaniis du'aa in ka'a; isin warri awwala keessa ciiftan, ka'aa, gammadaa faarfadhaa! Yaa gooftaa, fixeensi ati ergitu fixeensa jirenya kennuu dha, egaa laftis ekeraa warra du'anii ol in baafti.

Yohaannisi 5:28,29 Waa'ee kanaa hin dinqifatinaa; warri du'anii awwaalaman sagalee isaa yeroon itti dhaga'an in dhufa. 29 Isaan awwala keessaa in ba'u, warri waan gaarii hojjetan jirenya argachuudhaaf in ka'u, warri waan hamaa hojjetan immoo firdiitti dhi'aachuudhaaf in ka'u' jedhe.

Yohaannisi 10:28 Ani jirenya bara baraa isaaniif nan kenna, isaan bara baraan hin badan, namni tokko illee harka koo keessaa isaan hin butatu.

Yohaannisi 11:43,44 Kana jedhee sagalee guddaadhaan, 'Alaazaar as ba'il' jedhee waame. 44 Kanaaf namichi du'ee ture sun awwaalicha keessaa gad ba'e; miilla isaa lamaanii fi harka isaa lamaanitti wayyaan hidhamee, fuula isaattis uffanni maramee ture. Yesus, 'Irraa hiikaatii gad dhiisaa! Haa dhaqu!' jedhee isaan abboome.

Yohaannisi 12:17 Namoonni gaafa inni Alaazaarin awwala keessaa waamee, warra du'an keessaas dammaqse isa bira turan, kana gochuu isaa dhugaa ba'anii turan.

Yohaannisi 17:2 Akkuma ati foon-qabeessa hundumaa irratti aboo isaaf kennite, inni immoo warra ati isaaf kennite hundumaaf jirenya bara baraa haa kennuuf.

Hujii Ergamtootaa 17:25 Ofii isaatii sanyii namaa hundumaaf, jirenyaa fi qilleensa, kan isa barbaachisu hundumaas in kenna; kanaaf harki namaa kan isaaf hojjechuu danda'u, wanti isaaf barbaachisus hin jiru.

1 Qorontoosiitti 15:19-26 Jirenya amma biyya lafaa kana irra jiraannu duwwaadhaaf Kristosin abdanna erga ta'ee, namoota hundumaa caalaatti nuuf boo'uutu ta'a. 20 Amma garuu Kristos warra du'an keessaa kaafameera, warra obbaafatan keessaas isatu jalqaba ka'e. 21 Du'uun karaa nama tokkoo akkuma dhufe, warri du'an ka'uunis karaa nama tokkoo dhufeera. 22 Harkisaa Addaamiin namoonni hundinuu akka du'an akkasuma immoo harkisaa Kristosiin namoonni hundinuu in jiraachifamu. 23 Kun hundinuu akka tarree isaaf qophaa'eetti in ta'a; Kristos jalqabatti ka'ee jiraataa akkuma ta'e, warri kan Kristos ta'anis yeroo inni deebi'ee dhufutti in jiraachifamu. 24 Kristos immoo gooftummaa hundumaa, aboo hundumaa, humna hundumaa golgoleessee, mootummicha deebisee Waaqayyo abbaatti erga kennee booddee dhumni in ta'a. 25 Waaqayyo diinota hundumaa miillan isaa jala hamma kaa'ufitti, Kristos mo'uutu ta'a. 26 Hundumaa booddee diina keenya du'atu golgoleeffama.

2 Qorontoosiitti 1:9,10 Akka waan firdiin du'aa nutti faradameetti, nutti dhaga'amee ture; garuu nuyi, Waaqayyo isa warra du'an kaasu duwwaa malee, ofii keenya akka hin amananneef kun ta'e. 10 Waaqayyo sodaachisa du'aa, isa akkasii keessaa nu oolcheera, nu oolchuufis jira; amma iyyuu deebi'ee akka inni nu oolchuuf abdii keenya isa irra kaa'anneerra.

2 Qorontoosiitti 3:6 Isumatu seera caafamee kennameen utuu hin ta'in, hafuura qulqulluudhaan kakuu haaraadhaaf hojjechuu nu dandeessise; seerri caafamee kenname du'a in farada, hafuurichi garuu jirenya in kenna.

Qoloosaayisiitti 1:21,22 Isin dur hamaa yaaduu keessaniin, hojjechuu keessaniinis orma, diina Waaqayyoos taatanii turtan. 22 Amma garuu Waaqayyo du'a namummaa ilma isaatiin isin araarsee, warra isaaf qulqullaa'an, warra mudaa hin qabne, warra balleessaa hin qabnes godhee, of dura isin dhaabachiiseera.

Ibrootaatti 2:9 Haa ta'u iyyuu malee, isa yeroo gabaabaadhaaf ergamootaa gad ta'ee, dhiphatee du'uu isaatiin, amma gonfoo guddinaa fi ulfinaa mataa isaa irra kaa'ate, Yesusin in argina; kunis ayyaana Waaqayyootiin inni nama hundumaaf du'a miyeeffatee akka ilaaluuf ta'e.

Ibrootaatti 2:14,15 Ijoolloni kun foonii fi dhiiga akkuma ta'an, inni 'Obboloota koo' jedhee isaan waamu kunis akkuma isaanii ta'e; du'a isaatiin Seexana isa humna du'aa qabu balleessuudhaaf nama ta'e. 15

Warra du'a sodaachuudhaan bara isaanii guutuu garbummaa jala jiraatan hundumaa birmaduu baase.

Ibrootaatti 11:5 Henok du'a ijaan iyyuu akka hin arginetti amantiidhaan ol fudhatame; Waaqayyo waan isa fudhateefis hin argamne; ol fudhatamuu isaa dura immoo, Waaqayyoon gammachiisuun isaa dhugaa ba'ameeraaf.

- 1 Pheexiroosi 3:18 Kristos immoo gara Waaqayyootti isin fiduudhaaf jedhee, yeroo hundumaaf akka ta'utti al tokkicha, cubbuu namoota baay'eetiif dhiphateera; inni qajeelaan foon uffatee, qooda warra jal'oottaa ajjeefame, hafuuraan jiraachifameera.**
 - 2 Pheexiroosi 1:3 Nuyi, Waaqayyo isa ulfina isaa fi humna isaa isa dinqisiisaadhaan nu waame beekuu bira ga'uudhaan wanta nu barbaachisu hundumaa arganneerra. Gooftaan humna waaqayyummaa isaatiin gara jirenyaatti nu geessuuf, namoota Waaqayyo nu godhachuudhaaf kana hundumaa nuuf kenneera.**
 - 1 Yohaannisi 3:14 Nuyi obboloota waan jaallannuuf du'a keessaa gara jirenyaatti akka darbine beekna; namni nama hin jaallanne immoo du'a keessatti hafa.**
 - 1 Yohaannisi 5:11 Waaqayyo jirenya bara baraa nuuf kenne; egaa dhugaan isaa isa kana; jirenyi bara baraa kunis ilma isaa keessatti argama.**
- Muldhata Yohaannisi 21:6 Akkasumas, `Ta'eera! Ani Alfaa dha, Omeegaa dhas, isa jalqabaa ti, isa dhumaa tis; ani isa dheeboteef burqituu bishaan isa jirenya kennuu irraa tola nan kennaaf.**

**Pastor T. John Franklin
Church of Salvation, Healing, and Deliverance
COS-HAD.org**